

Na osnovu člana 16.stav 4. Zakona o Vladi Zeničko-dobojskog kantona-prečišćeni tekst („Službene novine Zeničko-dobojskog kantona“, broj 7/10), a u skladu sa članom 48.i 54. Zakona o izvršavanju Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj 2/16) na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona na 47. sjednici održanoj dana 18.03.2016. godine d o n o s i

Z A K L J U Č A K

I.

Usvaja se Program utroška sredstava u razdjelu 19, budžetska organizacija 01, potrošačka jedinica 0001, Fond za zaštitu okoline za 2016.godinu, ekonomski kod 614100 (Transferi općinama iz sredstava Fonda za zaštitu okoline), Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj 2/16) u iznosu od 2.450.000,00 KM (slovima: dvamilionačetiristotinepedesethiljada konvertibilnih maraka), i ekonomski kod 6143, 6141 i 6139 u iznosu od 900.000,00 KM (slovima: devetstotinahiljadakonvertibilnih maraka) koji čini sastavni dio ovog Zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Za realizaciju ovog Zaključka zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svoje nadležnosti.

IV.

Zaključak stupa na snagu danom donošenja.

Broj: 02-_____/16.
Datum, 18.03.2016. godine
Zenica

PREMIJER

Miralem Galijašević

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Ministarstvo finansija,
1x a/a.

PROGRAM

utroška sredstava Fonda za zaštitu okoline za 2016.godinu

I

Budžetom Kantona za 2016.godinu planirani priliv sredstava u Fond za zaštitu okoline iznosi 3.500.000,00 KM.

Sredstava Fonda za zaštitu okoline raspoređuju se, u skladu sa Odlukom o načinu raspodjele sredstava Fonda za zaštitu okoline („Službene novine Zeničko-dobojskog kantona“ broj:18/12) i Odlukom o izmjenama i dopunama Odluke o načinu raspodjele sredstava Fonda za zaštitu okoline broj: 02-14-1042/15 od 15.01.2015. godine („Službene novine Zeničko-dobojskog kantona“ broj:1/15), tako da se 70% sredstava odnosno iznos od 2.450.000,00 KM usmjerava u općinske budžete, a 30% su pripadajuća sredstva Vlade Zeničko-dobojskog kantona.

Općine sredstva troše namjenski za planove i projekte iz oblasti zaštite okoline. Izvještaj o utrošku tih sredstava općine na kraju godine dostavljaju Ministarstvu za prostorno uređenje, promet i komunikacije i zaštitu okoline, koje priprema Izvještaj za Vladu Zeničko-dobojskog kantona.

U skladu sa Zakonom o povjeravanju javnih ovlaštenja iz oblasti zaštite okoline („Službene novine Zeničko-dobojskog kantona“ broj:12/13) sredstva u iznosu od 150.000,00 KM preusmjeravaju se Univerzitetu u Zenici za održavanje opreme i mjernih uređaja monitoring centra.

Sredstva u iznosu od 900.000,00 KM su pripadajuća sredstva Vlade Zeničko-dobojskog kantona.

Budžetom Zeničko-dobojskog kantona planirana sredstava Fonda za zaštitu okoline za 2016. godinu u iznosu od 3.350.000,00 KM raspoređena se na sljedeći način:

Ekonomski kod	Vrsta izdatka	Iznos sredstava
6143	Tekući transferi neprofitnim organizacijama	100.000,00 KM
6141	Transferi drugim nivoima vlasti (Troškovi finansiranja projekata Vlade)	750.000,00 KM
6141	Tekući transferi općinama	2.450.000,00 KM
6139	Ugovorene usluge	50.000,00 KM

II

Planirana sredstva u iznosu od 900.000,00 KM koja pripadaju Ministarstvu za prostorno uređenje, promet i komunikacije i zaštitu okoline za 2016. godinu će se utrošiti za realizaciju sljedećih projekata.

1. Naziv projekta: Pomoć općinama Zeničko-dobojskog kantona u postupku zbrinjavanja komunalnog otpada

Cilj projekta: U cilju realizacije Akcionog plana Federalne strategije zaštite okoliša (2008-2018) i Plana upravljanja otpadom Zeničko-dobojskog kantona potrebno je pružiti pomoć općinama koje odlažu ili planiraju odlaganje otpada na Regionalnu deponiju „Mošćanica“. Upravljanje komunalnim otpadom podrazumijeva uspostavu odgovarajuće

infrastrukture za prikupljanje komunalnog otpada, izgradnju pretovarnih stanica, selektiranje, recikliranje komunalnog otpada i odlaganje na uređenu regionalnu deponiju. Pomoć općinama u upravljanju komunalnim otpadom podrazumijeva i pomoć u finansiranju transportnih troškova za najudaljenije općine u odnosu na regionalnu deponiju. Program će se realizirati putem javnog poziva.

Iznos sredstava: 650.000,00 KM

2. Naziv projekta: Podrška podizanju svijesti o okolišu

Cilj projekta: Ostvariti partnerski odnos i saradnju sa nevladinim organizacijama, obrazovnim institucijama i medijskim kućama, uz podržavanje apliciranih projekata kojima se propagira zaštita okoliša i podizanje svijesti građana o potrebi okolišno održivog ponašanja u implementaciji niza modela za zbrinjavanje otpada, smanjivanja zagađivanja zraka, zaštiti prirode, voda i tla. Program će se realizirati putem javnog poziva.

Iznos sredstava: 100.000,00 KM

3. Naziv projekta: Izgradnja eko kuće Smetovi

Cilj projekta: Osnovni cilj izgradnje eko kuće na Smetovima je obezbjeđenje uslova djeci školskog uzrasta da se , u periodima prekomjerne zagađenosti ambijentalnog zraka u Zenici ali i u drugim općinama, omogući boravak na čistom zraku. Zbog veoma ograničenih smještajnih kapaciteta u prethodnim godinama je veoma mali broj djece mogao dobiti smještaj na najbližem izletištu. Eko-kuća Smetovi treba da bude edukativno pokazni školski centar sa različitim sadržajima uključivo i mjerenje aerozagađenosti i mini meteorološku stanicu. Cjeneći aktuelnu ekološku situaciju i kapacitete za boravak u prirodi potrebno je učestvovati u finansiranju, ovog za djecu i omladinu izuzetno značajnog projekta. Grad Zenica će obezbjediti neophodne parcele, potrebne dozvole, infrastrukturu i značajna finansijska sredstva. Ostatak sredstava će obezbjediti Arcelor Mittal Zenica i drugi donatori.

Iznos sredstava: 100.000,00 KM

4. Naziv projekta: Izdavanje časopisa o zaštiti čovjekove okoline «ZE-DO EKO»

Cilj projekta : Redovno informisanje o aktivnostima na području svih općina Zeničko-dobojskog kantona, trendovima u oblasti zaštite okoline te podizanje ekološke svijesti s viš slojeva stanovništva, a naročito mladih.

Iznos sredstava: 12.000,00 KM

5. Naziv projekta: Napiši priču uradi sliku

Cilj projekta: Ovaj projekat realizira se u saradnji sa NIPP „Naša riječ“ podrazumijeva izradu literarnih i likovnih radova, sa tematikom zaštite okoline, učenika osnovnih i sednjih škola sa područja Zeničko-dobojskog kantona. Dodjelom nagrada i završetkom projekta obilježava se 5. juni Svjetski dan zaštite okoline.

Iznos sredstava: 5.000,00 KM

6. Naziv projekta: Ugovorene i druge posebne usluge

Cilj projekta : Pomoć u finansiranju seminara, okruglih stolova, radionica, propagandnih manifestacija, medijskih projekata, sufinansiranje izdavaštva itd.

Iznos sredstava: 33.000,00 KM

REKAPITULACIJA

R.br	NAZIV PROJEKTA	IZNOS SREDSTAVA (KM)
1.	Pomoć općinama Zeničko-dobojskog kantona u postupku zbrinjavanja komunalnog otpada	650.000,00
2.	Podrška podizanju svijesti o okolišu	100.000,00
3.	Izgradnja eko-kuće na Smetovima	100.000,00
4.	Izdavanje časopisa o zaštiti čovjekove okoline «ZE-DO EKO»	12.000,00
5.	Napiši priču uradi sliku	5.000,00
6.	Ugovorene i druge posebne usluge	33.000,00
	UKUPNO	900.000,00

Broj: 02-_____/16.
Datum, 18.03.2016. godine
Zenica

PREMIJER

Miralem Galijašević

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Ministarstvo finansija,
1x a/a.